

dinste schoße gulden bete rechten lehen vnd nemelich mit allen ezu ghehorunge vnd allen gerichtten in velde vnd in dorfe, vbir wunden vnd vbir czetirgeschrei, mit wetten vnd busen, vßgenomen alleine daz obirste gerichte, daz man halzgerichte nennet, daz da halz vnd hant ane trit, daz wir vns vnd vnsern erben behalden vnuorgeben, den egenanten dem probeste, deme conuente gemeinlich zeu sente Thomas zeu Lipczik regeler ordins vnd allen iren nachkomen von vnsir furstlicher gewalt geeigent vnd gegeben haben vnd eigen vnd geben ouch die obegeschrebin dorfir mit allen iren zeugehorungen alz wir die gehabet haben, vzgenomen vnsir obirste gerichte daz halz vnd hant an trit, deme egenanten dem probeste, deme conuente gemeinlich zeu sente Thomas zeu Lipczik regeler ordins genedielich mit deßen brife ewielich vnd ruweclich zeu haben, zeu besiezende vnd genißende ane vnser vnd aller vnser erben hindernisse vnd wedirsprache in alle der maze, alz obgeschreben stet vnd alz eigins recht ist. Vnd heisen vnd gebiten ouch allen vnsern voyten vndirvoyten botelen vnd amptlütten vnd wollen ouch bie vnser hulden die iezunt sin odir zeu gecziten werden, daz si sich vort mer in die dorfere egenante vnd in ire czugehorunge in keinen wisen werren, dar ynne griffen nach besweren sullen ane arg, ane alleine ab frevel, gewelde odir andir sache geschege, daz halz vnd hant antrete, daz sullen sie vnd mogen von vnsern wegen richten, wie ofte daz ezu schulde queme, alle andir gerichte vnd rechte vnd dinste, die wir an den obegenanten dorfern biz her gehabet haben, der habe wir vns vorczighen vnd vorczihen vns der willeclich mit dißem brife, vnd haben dez ezu vrkunde vnd ewighen gedechnisse vnser furstlich ingesigel wißentlich an dißen brife lazin hengen. Hi bi sin gewest vnd sin gezeuge der edele vnd die gestrengen er Albrecht burchgrafe von Lissenik herre zeu Penik, er Ditherich von Wiczleiben, er Tamme Phluk, er Siffrid von Schonnenfelt der grose vnd Conrad von Bresenicz vnd andir lute gnug. Dißer brif ist gegeben nach gotes geburte driczenhundert iar in dem vir vnd achezigsten iare an dem nehesten sunnabunde vor sente Johannes tage dez heyligin toffers.

Nach dem Registrum copiarum fol. 14 im K. Haupt-Staatsarchiv zu Dresden

### No. 156. 1385. 18. Jan.

*Lucas von der Neustadt in Weyda verkauft dem Kloster die ihm zustehenden Gefälle vom Gerichte zu Holzhausen.*

Ich Lucas von der Nuenstad geseßin zeu Wida bekenne vor mich vnd alle myne erben vnd tu kunt allen dy dissin brif sehin adir horen lesin, daß ich myd wolbedachtin mote vnd gutin willen vnd fulbort alle myner erben habe vorkauft vnd verkoufe den erbrn heren vnd geistlichen luten probiste, prior vnd couente deß gotishuß zeu s. Thomas zeu Lipzk vhir vnd driczig scheffel korniß, sebenczehin schoffel gersten, sebin vnd zewenczig scheffel hauerer, ein schog breytir groschin zeinses vnd alle rechte vnd ezinse, dy ich habe an dem richte gelegen zeu Holzhausen, vnd habe on dy geben vor sebin vnd sebenczig breite schog groschin, dy sy